

لِلْكَبِيرِ

و انا باذل الاسباب .. والله لو انها جرام
لو ان الهاقاوي تصيب و احياناً تخطيني
بيمناي و عقالي و بشماغي البسام
سرير الدروب و طيب حظي بياريني
و لا منة اللي لا انطلب كن عليه اعدام
تحق المنيا خير من منته فيني
تضاضيت عن كل شي ما همني .. مادام
أميّز محبيني و كاشف معاديني
رفيق لي من ضاق قلبي كما الصمام
ينظم مرور الدم داخل شرائيني
و عدو في بطنه غل كنه حقل الغام
جعل تقصّر الخطوات مابينه و بيني
نوايا قلوب الناس مثل البحر .. لطام
و لا داري بموجه على وين يرميني
تمر المواقف عاتيه .. ما تمر انسام
عسى ربى يثبت على الارض رجليني

بدر نايف الكبيّم

صدوف الزمن تبرى بالإدراك بري اقلام
الى ان تصادر بعض الكبار في عيني
محتهم مثل ما تمحي التوبة الآلام
يا ربى تقوى فيني الوازع الديني
قناعاتي بهالعام ماهي بمثلك العام ،
من اغراني من العام ما عاد يغريني
لقيت الحياة دروس .. و لا الخيال اوهام
يسافر بي بكيفي و احياناً يغويوني
انا ودي ان الوقت بيدي مثل الافلام
اعيد الشريط بكل لحظه تسليني
لكنه بدین اللي عن اللي خلق مانام
إله(ن) كتب الاقدار و الرزق بسنيني
اذا مروا استبسال او مروا استرحام
اذا شاء بيلاني و اذا شاء ينجيني
سجد وجهي لعزته إذلال و استسلام
و لا غيره إليا ضقت أرفع له ايديني
يا ربى وانا في وسط راسي كثير احلام
وانت الوحيد اللي عن الناس تغيني

من الصفر اجبه

غرامه ربى بداخلي وانتشر بالحيل
من الصفر حبه في حشى النفس منغرسى
انا في نظر عيني حشى ماسمعت القيل
اهو حاضري ومستقبلي وباكري وامسي
جحدني مثل مايتجدد الكافر التنزييل
فجعني مثل فجع الهواجيس للمسي
جرحني مثل جرح الثرى من غزير السيل
رمانى مثل مايرمى بالي اللبسى
محبة ثمان سنين ضاعت بلا تحصيل
تصدق ختمها صاحبى يوم قال : انسى ؟
ختمتها بصمت لاوداع ولا تعليل
ولازال جرحه داخل الروح مايبسى
تسرب طواري صاحبى مع ظلام الليل
تحرم عليه لامست الخلق ما أمسى
آويلاه عقب الحب والخير والتدليل
اهل الدموع وخاطري ضائق عمسي
على ادناء شي ازعل وعلى ادناء شي اعيل
آويلاه عقب اليوم ياخفها نفسى
ياويلاي عليه اليوم وييل يجر الويل
عقب صاحبى كن القدر معلن حبى
فلا عدت اميّز ياعرب بالعدل والميل
خياله يتبعنى من الصبح لين امسى

عاشرة سبيل

